

Jetpost (Nassiussat tuaviortut)

POST Greenlandip Niuernermi piunasaqaatai 1. januar 2013-imeersut

Niuernermi piunasaqaatit uku Kalaallit Nunaata iluani nassiunneqartunut, Danmarkimut nassiunneqartunut aammalu Danmarkimut nassiunneqartunut atuupput. Nunat allat sinnerinut Jetpost-inik nassiussisoqarsinnaangilaq.

1.1 Pingaarnersiuneq

Jetpost-it timmisartukkut siullinneqartarput.

1.2 Poortukkat angissusissaat

Jetpost-it angissutsit taaneqartut qaangersistassanngilaat:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

Annerpaaffissaq: takissuseq 220 cm aamma takissuseq + uuttuut takissutsip tungaanut ingerlatinnagu kaajallallunili uuttuutigisaq annerpaaq = 360 cm.

1.3 Oqimaassuseq

Jetpost-i poortuutini Kalaallit Nunaanut annerpaamik 50 kg-nik oqimaassuseqassaaq.

Jetpost-i poortuutini Danmarkimut annerpaamik 31,5 kg-nik oqimaassuseqassaaq.

1.4 Imai

Jetpost makkuninnga imaqaassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit inunnut, uumasunut, avatangiisinut imaluunniit angallasissutiginanut ulorianaateqarsinnaasut „Nassiussat ulorianaatillit POST Greenland acquitigalugu nassiuteqqusaanngitsut“ www.post.gl -imi takuneqarsinnaapput aammalu TELE-POST Centerimit ilisimatitsissutiginenqartarlutik.
- Imarisat asiujasut
- Nunap immallu uumasui uumasut, tassani pineqarlutik igutsaat, sullerngit sullineqatiminnik ajoqutaasunik akiuisussat (rovvider), uumasullu allat qimerloqanngitsut
- Imassat, tassani pineqarlutik qaartuujasut qaarneqanngitsut, qaartartut qaarneqanngitsut aammalu patronit
- Nioqqutissiat peqquserlulluni assilisat salloqittaasiallu
- Inuit uumasullu toqungasut timaasa sinnikui

Imarisat imerpalasumik ilaqarsimappata poortorneqarnerat POST Greenlandimit akuerineqassaaq.

Jetpost-ip imai Danmarkimi akitsuusigassaanersut, taamaappallu malitassat suut tunngavialugit tamatumaa pisinnaanera misissussallugu nassiussisup akissusaaffigaa.

POST Greenlandip pissutsit tamakku misissorneq ajorpai aammalu tamakku pillugit siunnersuisinnaanani, taarsiulluguli innersuussisarlu Danmarkimi TOLD & SKAT-imut.

1.5 Poortorneri

Nassiussisup Jetpost-ip poortorluarneqarsimanissaa akissusaaffigaa, taamaallilluni nalinginnaasumik allakkerinikkut suliarineqarnerani imaasa isumannaatumik illersorneqarnerat qulakkeerneqarsinnaaqqullugu, kiisalu Jetpost-ip nassiussanik allanik, POST Greenlandimik allanilluunniit ajoqusiinnaanera pinngitsoortissinnaaqqullugu. POST Greenlandip poortuutit misissornissaa pisussaaffiginngilaq. Jetpost-ip nassiunneqartussat tunniunneqarnerani POST Greenlandip paasippagu nassiussaq isumannaatumik poortugaasimanngitsaq, POST Greenland nalliniini naapertorlugu Jetpost-imik tigusinissaminik itigartitsinnaatitaavoq imaluunniit nassiussisoq uppersaammik atsiqqusinnaallugu, Jetpost nassiussisup akissusaaffigisaanik nassiunneqartoq. Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutiginannik poqqassapput. Imarisat qajannartut (soorlu igalaamerngit/ marraat) imaluunniit imerpalasut, poortuutissat POST Greenlandip akuerisai poortuutigalugit taamaallaat nassiunneqarsinnaapput. Jetpost-it assartorneqarnermik nalaanni immikkut ittumik sianigineqarlutik „nassiussat mianersuutassat“ nassiunneqarsinnaanngillat.

Imai imerpalasumik imaqaarsimappata, imerpalasooq usseqqissaartumik, milluaasinnaasumillu poqqitamik poortuuteqartinneqassaaq ajoqusertoqarnerani milluaasinnaasumik. Poortornera POST Greenlandimit akuerineqartussaaq.

1.6 Immersuiffissat

Nassiussisup Jetpost-imut immersuiffissat immikkut ittut atugassarai. Immersuiffissat allakkerivimmi pineqartarput, nassiussisumiillu immersorneqassallutik.

1.7 Allakkerivimmut tunniussineq

Jetpost-it allakkerivimmut tunniunneqassapput.

1.8 Piunasaqarsinnaatitaaffik

Nassiussisoq, Jetpost-imik tigusissusattut allasimasumit Jetpost-ip tiguineqarnissaata imaluunniit nalunaarutigineqarnissaata tungaanut, nassiussap utertinnissaanik imaluunniit tigusissusattut allamut tunniunneqarnissaanik piunasaqarsinnaatitaavoq. POST Greenland Jetpost-ip utertinneqartup nassiunneqarnermi akianik utertitsineq ajorpoq. Nassiussisup piunasaqarsinnaatitaaffik atorsimappagu, nassiussap utertinneqarneranut imaluunniit najukkamut nutaamut ingerlasussanngortinneqarneranut akip saniatigut, allanngortitseqqusilluni qinnuteqaammik akiliummik POST Greenland akiliuteqartitsisinnaatitaavoq. Akit taamatut ittut akiliuteqartitsinerillu siusinnerpaamik akileqquneqassapput, nassiussaq allakkerivimmit nassitsivigisamut ingerlatinneqareersimappat.

1.9 Tiguisussamut tunniussineq

Jetpost-it illoqarfiup iluani agguassassat ataasinngornermi tallimannngornermut nal. 08-17 aammalu arfininngornermut nal. 08-12 agguanneqartarput. Jetpost-it tigusissusap najugaanut tunniunneqarsinnaanngitsut Aallakkerivimmut aaneqartussanngorlugit tigusissusamut nalunaarutigineqassapput. Jetpost-it poortukkat nalinginnaasut utertinneqannginnerminni allakkerivimmi ulluni 14-ini uninga-tinneqarsinnaapput.

Jetpost-it postboksimit adressilerneqarsimasut tikitsiaannartut postboksimit aaneqartussanngorlugit nalunaarutigineqassapput.

Jetpost-it nunaqarfimmut adresseligaasimasut pisiniarfiup ammanerata nalaanni tunniunneqassapput.

Jetpost-it Danmarkiliartut akitsuuserisunit suliarineqareermikkut ulloq taanna imaluunniit ulluinaq tullegg tigusissusamut ingerlanneqassapput. Post Danmark Jetpost-inik ataasinngornermi tallimannngornermut aatsisarpoq.

1.10 Najukkamit nuunneq

Jetpost-imik tigusissusap allamut nuunneq POST Greenlandimut nalunaarutigisimappagu, Jetpost-i akeqanngitsumik Kalaallit Nunaata iluani ingerlateqqinneqassaaq. POST Greenland Kalaallit Nunaata avataani najukkanut Jetpost-inik ingerlaqqittussanngortitsineq ajorpoq.

1.11 Jetpost-it apuunneqarsinnaanngitsut

Jetpost-it apuunneqarsinnaanngitsut nassiussisumut uterteqqinneqartarput. Jetpost-i Økonomipostpakke-tut (B-post) utertinneqartarpoq nassiussisumut aningaasartuutaanngitsumik. Nassiussisup timmisartukoortitsinerimut tapimik akiliinissaq kissaatigippagu, nassiussaq timmisartukkut utertinneqarsinnaavoq.

1.12 Allakkerinermi isertuussisussaaneq nassiussanillu ammaaneq

Nassiussisup allakkerivimmi atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilanngaaserinermut oqartussaasut kiisalu Kalaallit Nunaanni Politeeqarnermut oqartussaasut tunngasuteqartuni, POST Greenland taamaattoq paasissutissanik oqartussanut taakkununga tunniussisussanngortinneqarsinnaavoq.

1.13 Akit

Akit qaqugukkulluunniit atuuttut allattorsimaffiat www.post.gl -imi aammalu allakkerivinni takuneqarsinnaapput.

1.14 Akiliineq

Aki nassiussasamik tunniussineri aningaasannngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiissuteqarsimanngippat.

1.15 Taarsiissuteqartarnerq

POST Greenland Jetpost-ip kinguaattoorneranut taarsiissuteqarnerq ajorpoq. POST Greenland Jetpost-inut Kalaallit Nunaanni nassiunneqartunut taamaattoq nassiunnerata

akiata ilaanik utertitsisarpoq, kinguaattoorneq POST Greenlandip kukkussutigisimappagu. Utertinneqartut tassaajuarput timmisartukkoortitsinerup aammalu Jetpost-itut nassiunneqartup nassiunnerani akit assigiinngissutaat.

Jetpost-i tammarsimappat imaluunniit ajoqusersimappat, imaluunniit Jetpost-ip imai tamakkiisumik ilaannakortumilluunniit aserorsimappata, ajoqusernerannut taarsiisoqasaaq 5.000 kr.-it angullugit angissusilimmik. POST Greenlandili taarsiisussaaneq ajorpoq tammanneri innarlernaluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit. Ajoqusernertut takoriaannaanngitsunut taarsiisoqarneq ajorpoq, aammalu taarsiisoqasani atortut elektroniskiusut nassiunneqarnermini puussaviinik poortorneqarsimangippata. Ilaaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannaanngikkaluartumik kingunerisaanut allanut taarsiisoqarneq ajorpoq. Jetpost-i aserorneqartoq pillugu POST Greenlandimut maalaaruteqarneq, imaluunniit Jetpost-ip imaanik tamakkiisumik ilaannakortumilluunniit annaasaqarnermut, ersittumik aserorsimanageranut imaluunniit imaanik tamakkiisumik ilaannakortumilluunniit annaasaqarnermi maalaaruteqarneq, Jetpost-ip tiganerani erngerluni pissaaq. Piffissaliussaq qaangereersaq maalaaruteqaraanni, allamik uppernarsaatissaqartoqanngippat tunngavigineqassaaq Jetpost nassiunneqarnerminut tunniunneqarnermini aserorsimangitsaq imaalu aseqqukuunngitsut. POST Greenland taarsiisussaajunnaartarpoq POST Greenlandimut piimasaqaat Jetpost-ip tiganeraniit qaammatit 12-it qaangiutsinnagit nalunaarutigineqarsimangippat. POST Greenlandip taarsiisuteqartussaanageranut Namminersorlutik Oqartussat nalunaarutaanni nr. 9, 24. juni 2011-meersumi malittarisassat aammattaaq atuupput.

Jetpost-ip imaanut poortorneqarsimanissaannullu matumani piimasaqaataasunik malininnginnerup kingunerisaanik POST Greenlandip annaasaqaatigisaanut tunngatillugu, nassiussisooq pisussaavoq POST Greenland qanoq ittumilluunniit annaasaqatsaalissallugu, tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisooq taarsiisussaataivoq.

1.16 Maalaarutit

Nassitsisup tigusisussalluunniit POST Greenland Jetpost-imik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummur ingerlatinneqassaaq aalajangiiffigisassatut. POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22 naapertorlugu aalajangiinerup maalaarutigineqartup tiganerata kingorna sap. ak. sisamat qaangiutsinnagit maalaarutiginnittoqarsinnaavoq.